



অবিলম্বে প্রকাশের উদ্দেশ্যে: 9/30/2023

গভর্নর ক্যাথি হোকল

গভর্নর হোকল ঐতিহাসিক বৃষ্টিপাতের ঘটনার পরবর্তীতে নিউ ইয়র্কবাসীকে সর্বশেষ তথ্য প্রদান করলেন

মেট্রোপলিটন অঞ্চলে ঐতিহাসিক বৃষ্টিপাতের পরবর্তী বন্যা পরিস্থিতি কর্মীদের কর্তৃক প্রশমিত হওয়ার পর শনিবার MTA এর সম্পূর্ণ পরিবহন নেটওয়ার্কে পূর্ণ সেবা সক্রিয় করতে পেরেছে

24 ঘণ্টার সময়কালজুড়ে অত্যধিক বৃষ্টিপাতের পর নিউ ইয়র্ক সিটি, লং আইল্যান্ড, এবং মিড হাডসন অঞ্চলে জরুরি অবস্থা বহাল থাকছে

নাসাউ কাউন্টিতে নয় ইঞ্চির বেশি বৃষ্টিপাত; নিউ ইয়র্ক সিটির কিছু অংশে ছয় থেকে আট ইঞ্চি বৃষ্টিপাতের খবর; ওয়েস্টচেস্টার কাউন্টিতে ছয় ইঞ্চির বেশি বৃষ্টিপাতের খবর

ব্রুক্স এবং ওয়েস্টচেস্টার কাউন্টির জন্য শনিবার দুপুর 12টা পর্যন্ত বন্যা সতর্কতা বহাল থাকবে

বন্যার সতর্কতা তুলে নেওয়ার আগ পর্যন্ত সতর্ক থাকতে এবং বন্যার পানির মধ্যে দিয়ে হাঁটা বা গাড়ি চালানো এড়িয়ে চলতে নিউ ইয়র্কবাসীকে তাগিদ দেওয়া হয়েছে

মেট্রোপলিটন পরিবহন কর্তৃপক্ষের (Metropolitan Transportation Authority, MTA) প্রধান এবং প্রধান নির্বাহী কর্মকর্তা জ্যানো লিবারকে সাথে নিয়ে গভর্নর ক্যাথি হোকল নিউ ইয়র্কবাসীকে বাড় সম্পর্কিত সর্বশেষ তথ্য প্রদান করলেন, যেহেতু ডাউনস্টেটের কিছু অংশে হঠাৎ বন্যা সৃষ্টিকারী ভারী বৃষ্টিপাতের ব্যান্ড রাতের মধ্যে পূর্বদিকে সরে গেছে। যদিও আজকে সকালের পুরো সময় এবং বিকালের শুরুর দিকে হালকা বৃষ্টিপাত এলাকায় ফেরত আসতে পারে, আজকের বৃষ্টিপাতের পরিমাণ অতিরিক্ত কোনও বন্যা হুমকি আনবে না বলে প্রত্যাশা করা যাচ্ছে।

পুরো শুক্রবার অত্যধিক বৃষ্টিপাত অব্যাহত থাকার ফলে গভর্নর হোকল সম্পূর্ণ নিউ ইয়র্ক সিটি, লং আইল্যান্ড এবং হাডসন ভ্যালি অঞ্চলের জন্য জরুরি অবস্থা ঘোষণা করেছেন। নাসাউ কাউন্টিতে নয় ইঞ্চির বেশি বৃষ্টিপাত আনুষ্ঠানিকভাবে প্রতিবেদন করা হয়েছে, এবং কুইন্স মোট বৃষ্টিপাত আট ইঞ্চি অতিক্রম করেছে বলে খবর পাওয়া গেছে। প্রলয়ঙ্করী বৃষ্টিপাত ছিল 1948

সালে জন এফ কেনেডি বিমানবন্দরের (John F. Kennedy Airport) রেকর্ডের পর থেকে সবথেকে বেশি বর্ষণের ক্যালেন্ডার দিবস এবং এটি পুরো অঞ্চলে হঠাৎ বন্যা পরিস্থিতির সৃষ্টি করেছে। বৃহস্পতিবার রাত থেকে শুক্রবার পর্যন্ত, যখন বৃষ্টি শুরু হয় তার পর থেকে হঠাৎ বন্যা অগণিত বন্যা সম্পর্কিত যাতায়াত ও ট্রানজিট প্রভাবের কারণ হয়েছে।

"আমরা অতি ক্ষুদ্র একটি সময়কালের মধ্যে অনেক বেশি পরিমাণ বৃষ্টিপাত দেখেছি যার ফলে পরিবহন ও বিদ্যুৎ সম্পর্কিত বহু সমস্যা হয়েছে, কিন্তু সুসংবাদ এই যে ঝড়টি পার হয়ে যাবে এবং আজকে এবং আজকে রাতে আমরা পানি কমতে দেখবো," **গভর্নর হোকল বলেন।** "বন্যার পানির কমার সময় নিরাপত্তা অনুশীলন করতে এবং যাতায়াতের সময় বাড়তি সাবধানতা গ্রহণ করতে আমি সকলকে তাগিদ প্রদান করছি।"

ব্রক্স এবং ওয়েস্টচেস্টার কাউন্টিতে হঠাৎ বন্যার অব্যাহত ঝুঁকির কারণে শনিবার দুপুর পর্যন্ত সেখানে একটি বন্যা সতর্কতা বহাল থাকবে। স্থানীয় সরকারসমূহকে প্রয়োজনমতো সমর্থন করার জন্য স্টেট এজেন্সিসমূহ প্রস্তুত আছে।

ব্রক্স এবং ওয়েস্টচেস্টার কাউন্টিতে বন্যা সতর্কতার পাশাপাশি, আজকে দুপুর পর্যন্ত উপকূলীয় বন্যা সতর্কতা বহাল থাকবে। আজকে সকালের শেষ অংশ থেকে আগামীকালের জোয়ারের শুরুর দিকের সময়কাল পর্যন্ত গৌণ উপকূলীয় বন্যা এখনো সম্ভব যেখানে লং আইল্যান্ড, ওয়েস্টচেস্টার, এবং নিউ ইয়র্কের উপকূলীয় এলাকাসমূহে এক ফুট পর্যন্ত প্লাবিত হতে পারে। আবহাওয়ার সতর্কতা ও পূর্বাভাসের সম্পূর্ণ তালিকা দেখার জন্য ন্যাশনাল ওয়েদার সার্ভিস ওয়েবসাইট alerts.weather.gov-এ যান। নিউ ইয়র্কবাসীদের স্টেটের বিনামূল্যের জরুরি সতর্কবার্তা ব্যবস্থা alert.ny.gov-এ NY-অ্যালার্টের জন্য সাইন আপ করতে উৎসাহ দেওয়া হচ্ছে। কাউন্টি অনুযায়ী আপেক্ষিক পরিস্থিতির তথ্য টেক্সট বা ইমেলের মাধ্যমে পুশ বিজ্ঞপ্তিতে পাঠানো যেতে পারে।

MTA এর প্রধান এবং প্রধান নির্বাহী কর্মকর্তা জ্যানো লিবার বলেন, "ঝড়ের পুরো সময় আমাদের দারুণ বাস পরিচালকগণ নিউ ইয়র্কবাসীকে সচল রাখতে তিনশতের বেশি বাস সক্রিয় রেখেছে, এবং প্রলয় সত্ত্বেও সাবওয়ে কর্মীরা উল্লেখজনক সক্রিয়তা বজায় রাখতে এবং দ্রুত পূর্ণ সেবা পুনঃস্থাপন করতে সক্ষম হয়েছে। ব্যাপক বিস্তৃত বৃষ্টিপাতের পরেও গত রাতে কমিউটার রেল যাত্রীরা যে বাড়ি ফিরতে পেরেছে তার জন্য আমি কৃতজ্ঞ, এবং এই সঙ্কটের পুরো সময়জুড়ে গভর্নর এবং স্টেটের ধারাবাহিক সমর্থনের জন্যও কৃতজ্ঞ।"

অতিরিক্ত স্টেট এজেন্সির সাড়াদান

নিউ ইয়র্ক স্টেট স্বদেশ নিরাপত্তা ও জরুরি সেবা বিভাগ

গভর্নর হোকলের নির্দেশনায়, নিউ ইয়র্ক স্টেট স্বদেশ নিরাপত্তা ও জরুরি সেবা বিভাগ (New York State Division of Homeland Security and Emergency Services, DHSES) স্টেটের জরুরি পরিচালনা কেন্দ্র (Emergency Operations Center) সক্রিয় করেছে যাতে সক্রিয়ভাবে বাস্তব সময়ে ঝড়ের পরিস্থিতি পর্যবেক্ষণ করা যায় এবং স্থানীয় সরকারসমূহের সহায়তার অনুরোধ সমর্থন করা যায়। বন্যার জরুরি সাড়াদানে সহায়তা করার জন্য নাসাউ কাউন্টি ও ওয়েস্টচেস্টার কাউন্টি উভয় স্থানে বন্যা উদ্ধার দল মোতায়েন করার জন্য স্টেটের অগ্নি

প্রতিরোধ এবং নিয়ন্ত্রণ অফিস (Office of Fire Prevention and Control) এর অগ্নি পরিচালনা কেন্দ্র (Fire Operations Center) সক্রিয় করেছে। পূর্বে অবস্থানে প্রস্তুত রাখার জন্য শুক্রবারে নিউ ইয়র্ক সিটিতে DHSES এর মজুত থেকে বারোটি পাম্প মোতায়েন করা হয়েছে, এবং লাগুয়ার্ডিয়ার জ্বালানি উঠান থেকেই পানি পাম্প করে বের করার জন্য DHSES এর মজুত থেকে আরো ছয়টি পাম্প মোতায়েন করা হয়েছে।

নিউ ইয়র্ক স্টেট পরিবহন বিভাগ

বাড়কে সামনে রেখে, পরিবহন বিভাগের (New York State Department of Transportation, NYSDOT) দল সক্রিয়ভাবে বাড়ের ড্রেইন এবং গাটার পরিষ্কার করেছে যাতে পানির প্রবাহ অব্যাহত থাকে। কর্মীরা এখন সক্রিয়ভাবে ডাউনস্টেটের রাস্তায় টহল দিচ্ছে এবং বন্যার পরিস্থিতি পর্যবেক্ষণ করছে, ভেঙ্গে পড়া গাছ পরিষ্কার করছে এবং বন্যা পরিস্থিতি কম হওয়ার অপেক্ষা করছে।

পুরো নিউ ইয়র্ক সিটির রাস্তা বন্যা কবলিত হয়েছে।

- হাডসন ভ্যালিতে নিম্নলিখিত রাস্তা বন্ধ আছে:
- ইয়োকাসের পামার অ্যাভিনিউতে উভয় দিকের ব্রক্স রিভার পার্কওয়ে
- হোয়াইট প্লেইনসের চ্যাটারটন অ্যাভিনিউয়ের NY 119 ট্যারিটাউন রোডের এক্সিট 21 এ, উভয় দিকের ব্রক্স রিভার পার্কওয়ে
- ইস্টচেস্টারে স্টার্ট রুট স্প্রেইন ব্রক স্টেট পার্কওয়ে এবং এক্সিট NY 100 এর মাঝখানে, উভয় দিকের স্প্রেইন ব্রক স্টেট পার্কওয়ে
- মাউন্ট ভার্ননের ক্রস কাউন্টি পার্কওয়েতে উত্তরমুখী ব্রক্স রিভার পার্কওয়ে
- গ্রিনবার্গের জ্যাকসন অ্যাভিনিউতে উত্তরমুখী স্প্রেইন ব্রক স্টেট পার্কওয়ে
- নিউ ক্যাসলের ওল্ড হাউজ লেনে, উভয় দিকের NY 117
- গ্রিনবার্গের I-287 র্যাম্প এবং এক্সিট 20 - I-87 এর মাঝখানে, উভয় দিকের স মিল রিভার পার্কওয়ে

লং আইল্যান্ডে নিচের রাস্তা বন্ধ আছে:

- সকল রাস্তা খোলা আছে
- মিডোব্রক স্টেট পার্কওয়েতে পূর্বমুখী নর্দার্ন স্টেট পার্কওয়ে - বামের লেন প্লাবিত, DOT সাইটে আছে
- লেকভিল রোডের নিকট লং আইল্যান্ড এক্সপ্রেসওয়ের নর্থ সার্ভিস রোড - সকল লেন প্লাবিত, কিন্তু অতিক্রমযোগ্য।
- ক্রস আইল্যান্ড পার্কওয়ে/বেল্ট পার্কওয়ে ইন্টারচেঞ্জের নিকটে পশ্চিমমুখী সাউদার্ন স্টেট পার্কওয়ে - বাম এবং কেন্দ্রীয় লেন প্লাবিত, DOT সাইটে আছে
- সানরাইজ হাইওয়েতে উত্তরমুখী ওয়ানটা স্টেট পার্কওয়ে থেকে গাছ অপসারণ করা হয়েছে
- ওয়ানটা স্টেট পার্কওয়ে এবং বে পার্কওয়ে - বন্যা মুক্ত করা হয়েছে
- ক্রুকোড হিল রোড থেকে উত্তরমুখী স্যাগিটকোস স্টেট পার্কওয়ে পর্যন্ত র্যাম্প - বন্যা মুক্ত করা হয়েছে; DOT সাইটে আছে এবং পাম্প করছে

আপনার এলাকার রাস্তার সর্বশেষ পরিস্থিতি জানতে 511 পর্যবেক্ষণ করুন।

মেট্রোপলিটন ট্রান্সপোর্টেশন অথরিটি

মেট্রোপলিটন ট্রান্সপোর্টেশন অথরিটি (Metropolitan Transportation Authority, MTA) নিরাপদ, নির্ভরযোগ্য সেবা নিশ্চিত করতে নিবিড়ভাবে আবহাওয়ার অবস্থা পর্যবেক্ষণ করছে। MTA কর্মীরা আবহাওয়া সম্পর্কিত যেকোনো সমস্যার প্রতিক্রিয়া জানাতে প্রস্তুত থাকবে।

শুক্রবার রাত 9:00টার মধ্যে 1, 2, 3, 4, 5, 6, 7, 42 স্টেশন শাটল A, C, E, F, G B, D, Q, M, J এবং L এর সম্পূর্ণ সেবা সক্রিয় ছিলো। ব্রুকলিনের লাইনে বন্যা পরিস্থিতি সমাধান করার জন্য কর্মীরা সারারাত কাজ করার পর আনুমানিক সকাল 5:40টায় N লাইনের সম্পূর্ণ সেবা পুনঃস্থাপিত হয়। সকাল 6:25টায় ফ্র্যাঙ্কলিন শাটলের সম্পূর্ণ সেবা পুনরায় শুরু হয়।

শুক্রবারের সন্ধ্যার ব্যস্ত সময়ের শেষের দিকে হাডসন, হার্লেম এবং নিউ হাভেন লাইনের গ্র্যান্ড টার্মিনাল থেকে যাত্রার সীমিত সেবা শুরু হয়। ব্রুকসের মট হাভেন লাইনে চরম বন্যার কারণে, যার ফলে তিনটি লাইনই ক্ষতিগ্রস্ত হয়, বিকালের সময়ে টার্মিনাল থেকে এবং টার্মিনাল পর্যন্ত সেবা স্থগিত ছিলো। শুক্রবার বিকাল 6:00টার মধ্যে মেট্রো নর্থ নিউ হাভেন লাইনের সম্পূর্ণ সেবা পুনরায় শুরু করতে পেরেছে। 30 সেপ্টেম্বর শনিবার, সকাল 6:00টার সামান্য পরে হাডসন ও হার্লেম লাইনের সম্পূর্ণ সেবা পুনরায় শুরু হয়।

ঝড়ের পুরো সময়, বিচ্ছিন্ন রাস্তা পরিবর্তনের ঘটনা ব্যতীত, নিউ ইয়র্ক সিটি বাস সম্পূর্ণ সেবা বহাল রাখে।

বন্যা পরিস্থিতির কারণে বিকাল বেলা সেবা স্থগিত করার পর, শুক্রবার রাত আনুমানিক 10:00টার সময় ফার রকওয়ে শাখা এবং লং বীচ শাখায় লং আইল্যান্ড রেল রোডের সেবা পুনরায় শুরু হয়। অন্য সকল শাখা নির্ধারিত সময়সূচি অনুযায়ী, বা তার কাছাকাছি সময়ে পরিচালিত হয়েছে, আবহাওয়ার কারণে সন্ধ্যায় বিচ্ছিন্ন কিছু বিলম্ব হয়েছে।

গ্রাহকদেরকে পরিষেবার সর্বশেষ আপডেট জানতে new.mta.info চেক করার জন্য, এবং সিস্টেম ব্যবহারের সময়ে সতর্কতা অবলম্বনের জন্য উৎসাহিত করা হচ্ছে। গ্রাহকদের টেক্সট বা ইমেইলের মাধ্যম রিয়েল টাইম সার্ভিস অ্যালাটের জন্য সাইন আপ করা উচিত। MTA-এর অ্যাপগুলির মাধ্যমেও এই সতর্কতা পাওয়া যায়: MYmta এবং TrainTime।

থ্রুওয়ে কর্তৃপক্ষ

থ্রুওয়ে কর্তৃপক্ষ (Thruway Authority) অংশীদার এজেন্সিসমূহ এবং ওয়েস্টচেস্টার কাউন্টিতে বন্যায় ক্ষতিগ্রস্ত প্রতিবেশী সম্প্রদায়সমূহকে সহায়তা প্রদান অব্যাহত রেখেছে। থ্রুওয়ে কর্তৃপক্ষের নিউ ইয়র্ক বিভাগের সকল কর্মী প্রস্তুত আছে এবং ঘটনার পুরো সময়ে ঝড়ের সাড়াদানে নিয়োজিত থাকবে।

নিউ ইয়র্ক স্টেট পুলিশ (New York State Police)

স্টেট পুলিশ সক্রিয়ভাবে পরিস্থিতির পর্যবেক্ষণ করছে এবং DHSES, নিউ ইয়র্ক স্টেট থ্রুওয়ে কর্তৃপক্ষ (New York State Thruway Authority, NYSTA), DOT এবং অন্যান্য এজেন্সিতে আমাদের অংশীদারদের সাথে সমন্বয় করছে। অতিরিক্ত কর্মীরা হাইওয়ে এবং অন্যান্য বন্যা

প্রবণ এলাকায় প্রয়াস কেন্দ্রীভূত করছে। ওয়েস্টচেস্টার কাউন্টিতে একটি এয়ারবোট এবং রিজিড ইনফ্ল্যাটেবল নৌকাসহ 6 সদস্যের একটি বন্যা উদ্ধার দল মোতায়েন করা হয়েছে এবং তারা বর্তমানে নিউ রোশেলে ডুবে যাওয়া যানবাহন আছে কিনা তা দেখছে।

বিকাল 3:00টার সময় বর্তমান দলের স্থানে কাজ করার জন্য আরেকটি বন্যা উদ্ধার দল ওয়েস্টচেস্টারে যাত্রা করেছে এবং মোতায়েনের জন্য আমরা তৃতীয় একটি দল প্রস্তুত করছি।

জনসেবার বিভাগ (Department of Public Service, DPS)

এই ঘটনার জন্য নিউ ইয়র্ক স্টেটজুড়ে ক্ষয়ক্ষতি মূল্যায়ন, সাড়া প্রদান, মেরামত ও পুনর্বহাল কার্যক্রম পরিচালনার জন্য নিউ ইয়র্কের ইউটিলিটি এজেন্সিগুলোতে প্রায় 5,500 জন কর্মী রয়েছে। এজেন্সির কর্মীরা পুরো সময় ইউটিলিটিগুলির কার্যক্রমের উপর নজর রাখবে এবং সবথেকে বেশি প্রভাবিত হতে পারে বলে ধারণা করা এলাকাগুলোতে ইউটিলিটি এজেন্সিগুলোর পর্যাপ্ত কর্মী নিয়োগের বিষয়টি নিশ্চিত করবে।

ডাউনস্টেট অঞ্চলের 1,800 গ্রাহক এখন ভারী বৃষ্টিপাতের কারণে বিদ্যুৎহীন আছে। ইউটিলিটি কোম্পানিগুলির ক্ষয়ক্ষতি যাচাই, মেরামত ও পুনঃস্থাপন কর্মীরা শক্তি খাতের অবকাঠামোতে যেকোনো প্রভাব সর্বনিম্ন করতে ও মেরামত করতে কাজ করছে, এবং জনসেবা বিভাগ (Department of Public Service) ইউটিলিটি পরিচালনার নেতৃত্বের সাথে সরাসরি যোগাযোগ রেখেছে এবং ইউটিলিটির সাড়াদান ও পুনঃস্থাপন প্রয়াসের নজরদারি করছে।

হঠাৎ বন্যার নিরাপত্তা পরামর্শ

- বন্যায় ডুবে যাওয়া রাস্তা দিয়ে গাড়ি চালিয়ে যাওয়ার চেষ্টা করবেন না। গাড়ি ঘোরান এবং অন্য রাস্তা দিয়ে যান।
- যদি আপনার গাড়ির চারপাশে দ্রুত পানি বাড়তে থাকে, তাহলে অবিলম্বে যান পরিত্যাগ করুন।
- দ্রুত গতিতে বয়ে চলা পানির ক্ষমতাকে অগ্রাহ্য করবেন না। দ্রুত গতিতে বয়ে চলা দুই ফুট উচ্চতার পানিতে আপনার গাড়ি ভাসিয়ে নিবে এবং দুই মাইল বেগে বয়ে চলা পানি আপনার গাড়িকে রাস্তা বা ব্রিজ থেকে টেনে নিয়ে যাবে।

ব্যক্তিগত প্রস্তুতি জন্য এবং তীব্র আবহাওয়ায় কীভাবে নিরাপদ থাকতে হয় সেই সম্পর্কে আরও তথ্যের জন্য, এখানে যান: dhses.ny.gov/safety-and-prevention।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)